

Исломда аёлнинг қадрини кўрсатувчи омиллар



11:00 / 11.07.2021 3909

Қуръони Каримда «Нисо» (Аёллар) деган сура бор.

Аёл кишининг илтимоси туфайли бир сура нозил бўлди. Бу Мужодала сурасидир.

Оиша онамизнинг покликларини таъкидлаб оятлар нозил бўлди.

Агар эр хотинига хиёнат қилса, эрни тошбўрон қилиб ўлдирилади.

Агар эркак иккита хотинга уйланиб, уларнинг орасида адолат қилмаса, қиёмат куни ярми шол ҳолда тирилади.

Агар эр хотинига белгиланган маҳрни бермаса, у заифанинг молини ўзлаштирган ўғри ҳисобланади.

Агар эр хотинини талоқ қилса ҳам, унга берган маҳрни қайтариб олишга ҳаққи йўқ.

Агар эркак опа-синглиси, бувиси, аёли ва қизларининг меросдаги улушини тортиб олса, Аллоҳ таолонинг белгилаб қўйган чегарасидан ошиб ўтган бўлади. Ким шундай қилса, ўзига кўп зулм қилган бўлади.

Агар эр аёлини урса ёки хўрласа, пасткаш кимса, агар икром қилса, олийжаноб киши ҳисобланади.

Агар эр аёлига «Сен менга онамнинг орқаси кабисан» деб қўйса, қул озод қилади, агар қул тополмаса, 60 кун кетма-кет рўза тутати, агар рўза тутолмаса, 60 та мискинга таом улашади.

Агар эр аёлини ёмон кўрса ҳам сабр қилсин, Аллоҳ таоло ўша аёлда кўп яхшиликларни пайдо қилади.

Агар эр аёли билан ажрашса ҳам ўртадаги никоҳ, бирга яшаганлик эътиборидан уни ҳақорат қилмасин, ғийбат қилмасин, одамларга ёмонламасин.

Агар эр аёли билан ажрашса ҳам ундан кўрган фарзандларига нафақасини бериш мажбуриятида қолаверади. Бу нафақа отанинг зиммасидан ҳеч қачон соқит бўлмайди.

Агар аёлнинг шахсий мулки бўлса, у шу мулкни ўзи истагандек тасарруф қилиш ҳаққига эга. Эр бу мулкни тортиб олишга асло ҳақли эмас.

Эр аёлининг таоми, ичимлиги, либоси, уйи, таълими ва дори-дармонларига масъулдир.

Аёлини ҳимоя қила туриб вафот этган эрга шаҳидлик ҳукми берилади.

Аёлини зинода айблаган киши, агар шу гапига тўртта гувоҳ келтира олмаса, ўзи саксон дарра урилади ва гувоҳлиги қабул қилинмайди.

Киши охиратда жаннатга кириши учун отаси билан бирга онасини рози қилиши керак.

Қизларини, сингилларини тарбия қилиб, одобли, ифбатли ўстирган отага ва акага жаннатга кириш ва дўзахдан қутулиб қолиш имкони берилди.

Ислom дини аёл кишига ана шундай ҳақларни берди ва унинг қадрини кўтариб қўйди.

Нозимжон Ҳошимжон таржимаси